

অবিলম্বে প্রকাশের উদ্দেশ্যে: 9/11/2019

গভর্নর অ্যান্ড্রু এম. কুওমো

গ্রো-নিউইয়র্ক (GROW-NY) খাদ্য এবং কৃষি ব্যবসা প্রতিযোগিতার প্রথম দফার জন্য 18 জন
চূড়ান্ত প্রতিযোগী নির্বাচনের ঘোষণা করলেন গভর্নর কুওমো

প্রতিযোগিতার জন্য আবেদনপত্র পাওয়া গেছে 23টি রাজ্য ও 16টি দেশ থেকে

*খাদ্য ও কৃষি শিল্পের এই প্রতিযোগিতায় কমিউনিটিকে পুনরুজ্জীবিতকরণ ও অর্থনীতির বিকাশের
লক্ষ্যে বিস্তৃত আঞ্চলিক কোশল, আপস্টেট রিভাইটলাইজেশন উদ্যোগের (Upstate Revitalization
Initiatives) মাধ্যমে অর্থায়ন করা হয়েছে - CNY রাইজিং (CNY Rising), ফিঙ্গার লেকস
ফরওয়ার্ড (Finger Lakes Forward), এবং সাউদার্ন টায়ার সোরিং (Southern Tier Soaring)*

গভর্নর অ্যান্ড্রু এম. কুওমো আজ গ্রো-নিউইয়র্ক খাদ্য উদ্ভাবন এবং কৃষি প্রযুক্তি ব্যবসার চ্যালেঞ্জের
প্রথম দফার জন্য নির্বাচিত 18টি সংস্থার নাম ঘোষণা করেন। প্রতিযোগীদের বেছে নেওয়া হয়েছে
প্রায় 200টি স্টার্টআপ থেকে, যারা এই উদ্যোগের অংশ হবার জন্য আবেদন করেছিলেন, যা
উদীয়মান খাদ্য, পানীয় এবং কৃষি উদ্ভাবন ক্লাস্টারের বৃদ্ধিতে নিবন্ধ, মধ্য নিউ ইয়র্ক, ফিঙ্গার
লেকস এবং সাউদার্ন টায়ারে। আবেদনকারী পুলের প্রতিনিধিত্ব করেছে 23টি বিভিন্ন রাজ্য ও 16টি
দেশ। গ্রো-নিউইয়র্ক এর অঞ্চলের মধ্যে রয়েছে 22টি কাউন্টির বিস্তৃত এলাকা যার অন্তর্ভুক্ত
আপস্টেট নিউ ইয়র্কের খামার সম্প্রদায়, এবং তার সাথে রোচেস্টার, সাইরাকিউজ, ইথাকা এবং
বিংহ্যামটন সহ বেশ কয়েকটি প্রধান নগর কেন্দ্র।

"গ্রো-নিউইয়র্ক প্রতিযোগিতা একদল বৈচিত্র্যময়, উদ্ভাবনী উদ্যোক্তাদের আকৃষ্ট করেছে যারা নিউ
ইয়র্কের বিশ্বখ্যাত খাদ্য ও কৃষি শিল্পকে আরও রূপান্তর করার নতুন উপায় সন্ধানে মনোনিবেশ
করতে প্রস্তুত", **গভর্নর কুওমো বলেন।** "গ্রো-নিউইয়র্ক এর মত প্রচেষ্টার মাধ্যমে আমরা এই
আঞ্চলিক অর্থনীতিগুলোকে উৎসাহিত করছি এবং এই গুরুত্বপূর্ণ শিল্পে রাজ্যব্যাপী উন্নয়ন জোরদার
করে চলছি।"

"বিশ্বের শ্রেষ্ঠ খাদ্য পণ্য উৎপাদনকারী জায়গাগুলির মধ্যে অন্যতম হল নিউ ইয়র্ক এবং কৃষি শিল্প
আমাদের রাজ্যব্যাপী অর্থনীতির এক গুরুত্বপূর্ণ অংশ", **লেফটেন্যান্ট গভর্নর ক্যাথি হোচুল বলেন।**
"কৃষিতে আমাদের বিনিয়োগের উপর ভিত্তি করে, গ্রো-নিউইয়র্ক প্রতিযোগিতা, শিল্পের ভবিষ্যতকে
কেন্দ্র করে যে স্টার্টআপরা কাজ করবে তাদের সমর্থন করবে। উদ্ভাবনী চিন্তা লালন করা,
কর্মসংস্থান বৃদ্ধি করা এবং আমাদের ফার্মগুলির ও কৃষিপণ্যসমূহের প্রচার করার উদ্দেশ্যে আমরা
অঙ্গীকারবদ্ধ যা আমাদের অর্থনীতিকে আরো শক্তিশালী করবে।"

নির্বাচিত চূড়ান্ত প্রতিযোগীদের মধ্যে রয়েছে:

- এজিভয়েস-নর্ফস, জর্জিয়া
- ক্যাপরো-এক্স-ইথিকা, নিউইয়র্ক
- কস্মপ্লেক্স-ইথিকা, নিউইয়র্ক
- ড্রপকপ্টার-সাইরাকিউজ, নিউইয়র্ক
- হালোমাইন-ইথিকা, নিউইয়র্ক
- হোল হেলদি ফুড-ইথক, নিউইয়র্ক
- ইন্ডিপেন্ডেন্ট বারলি ও মল্ট-লিচফিল্ড, মিশিগান
- লাইভস্টক ওয়াটার রিসাইক্লিং-আলবার্টা, কানাডা
- নুরাভেন-নিউ ইয়র্ক শহর, নিউইয়র্ক
- প্যারাগন পিউর-প্রিন্সটন, নিউ জার্সি
- দ্য পারফেক্ট গ্রানোলা-ভিক্টর, নিউইয়র্ক
- রেডিক্যাল প্লাস্টিকস-বেভারলি, ম্যাসাচুসেটস
- রিয়েলইটস আমেরিকা-জেনেভা, নিউইয়র্ক
- রি-ন্যুবল-রোচেস্টার, নিউইয়র্ক
- সিমপ্লি গুড জারস-ফিলাডেলফিয়া, পেনসিলভেনিয়া
- স্লেট ক্রাফট গুডস-ওয়েস্টউড, ম্যাসাচুসেটস
- টিলিটার-মিউনিখ, জার্মানি
- ভার্কোড-ন্যাপারভিল, ইলিনয়ে

প্রতিটি স্টার্টআপকে সম্প্রতি একজন পরামর্শদাতা নিয়োগ করা হয়েছে, যারা তাদের এই অঞ্চলে সংযোগ তৈরি করতে সাহায্য করবে, আঞ্চলিক ব্যবসায়িক ভ্রমণের পরিকল্পনা করবে এবং তাদের ব্যবসার বক্তব্য পেশ করাকে পরিমার্জন করতে পারবে। চূড়ান্ত প্রতিযোগীরা তাদের ধারণাগুলি পেশ করবে গ্রো-নিউইয়র্ক বিচারকের এবং লাইভ দর্শকদের সামনে 12 নভেম্বর থেকে 13 নভেম্বর 2019 পর্যন্ত, গ্রো-নিউইয়র্ক খাদ্য এবং কৃষি সামিটে (Grow-NY Food and Ag Summit), যা রোচেস্টার রিভারসাইড কনভেনশন কেন্দ্রে (Rochester Riverside Convention Center) অনুষ্ঠিত হবে। কর্নেল বিশ্ববিদ্যালয় (Cornell University) আঞ্চলিক অর্থনৈতিক অগ্রগতির কেন্দ্র (Center for Regional Economic Advancement) মাধ্যমে এই প্রতিযোগিতার প্রশাসন করছে।

করনেল বিশ্ববিদ্যালয়ের সেন্টার ফর রিজিওনাল ইকোনমিক অ্যাডভান্সমেন্ট এর নির্বাহী পরিচালক টম শ্রাইভার বলেন, "একটি গ্র্যান্ড ফিনালে অনুষ্ঠানে গ্রো-নিউইয়র্ক খাদ্য এবং কৃষি সামিটের শেষে এই প্রতিযোগিতার বিজয়ীদের নাম ঘোষণা করা হবে। প্রতিটি বিজয়ী সংস্থা আমাদের আপস্টেট অর্থনীতিতে একটি বিশেষ প্রভাব ফেলার জন্য প্রস্তুত এবং তাদেরকে চালিত করা হবে শুধু পুরস্কারের অর্থ দিয়েই নয়, বিভিন্ন অসাধারণ সম্পদের দ্বারাও যা একমাত্র আপস্টেট নিউ ইয়র্ক প্রদান করতে পারে।"

গ্রো-নিউইয়র্ক হল বর্তমানে ফিঙ্গার লেকস, মধ্য নিউইয়র্ক এবং সাউদার্ন টায়ার অঞ্চলে বিদ্যমান উদীয়মান খাদ্য ও কৃষি উদ্ভাবনমূলক ক্লাস্টার বিকাশের উপর দৃষ্টি নিবদ্ধকারী এক অভূতপূর্ব ব্যবসায়িক প্রতিযোগিতা। প্রতিযোগিতাটি অতিরিক্ত দুটি দফা চলবে এবং ব্যবসায়িক মাইলফলকের উপর ভিত্তি করে প্রতিটি দফার সাত জন বিজয়ীকে মোট 3 মিলিয়ন মার্কিন ডলার পুরস্কার প্রদান করা হবে। এর মধ্যে রয়েছে 1 মিলিয়ন মার্কিন ডলারের শীর্ষ পুরস্কার, দুটি 500,000 মার্কিন ডলারের পুরস্কার এবং চারটি 250,000 মার্কিন ডলারের পুরস্কার। বিজয়ীদের অন্তত এক বছরের জন্য টার্গেটেড রিজিয়নে কাজ করার অঙ্গিকার করতে হবে এবং একটি ইকুইটি শেয়ার প্রোগ্রামে অংশগ্রহণের জন্য সম্মত হতে হবে।

মূলত এ বছর গভর্নরের স্টেট অব দ্য স্টেট বক্তৃতায় ঘোষিত গ্রো-নিউইয়র্ক উদ্যোগ 43নর্থ (43North), জিনিয়াস নিউইয়র্ক (Genius NY), লুমিনেট নিউইয়র্ক (Luminate NY) এবং 76ওয়েস্ট (76West) এর মতো অন্যান্য রাজ্য সমর্থিত প্রতিযোগিতার সাফল্যের উপর ভিত্তি করে গড়ে উঠেছে। গ্রো-নিউইয়র্ক প্রতিযোগিতার জন্য অর্থায়ন করা হবে তিনটি অঞ্চলের উত্তরাঞ্চলের পুনরুজ্জীবিতকরণ উদ্যোগের মাধ্যমে - CNY রাইজিং (CNY Rising), ফিঙ্গার লেকস ফরওয়ার্ড (Finger Lakes Forward), এবং সাউদার্ন টায়ার সোরিং (Southern Tier Soaring)। বিজয়ীদের গ্রো-নিউইয়র্ক অঞ্চলে ব্যবসা পরিচালনা, কর্ম সৃজন, স্থানীয় শিল্প অংশীদারদের সাথে সংযোগ স্থাপন করতে হবে এবং একটি সমৃদ্ধ উত্তরাঞ্চলীয় অর্থনীতিতে অবদান রাখতে হবে।

এম্পায়ার স্টেট ডেভেলপমেন্টের ভারপ্রাপ্ত কমিশনার এবং প্রেসিডেন্ট ও মনোনীত প্রধান নির্বাহী কর্মকর্তা এরিক জে. গার্টলার বলেন, "গ্রো-নিউইয়র্ক ব্যবসা প্রতিযোগিতা সারা বিশ্বের কৃষি উদ্ভাবনে নিবেদিত নতুন ব্যবসা ও উদ্ভাবনী প্রতিভাগুলোকে আকৃষ্ট করছে যা কর্মসংস্থান সৃষ্টি করবে এবং ফিঙ্গার লেকস, সেন্ট্রাল নিউ ইয়র্ক এবং সাউদার্ন টায়ারের অর্থনীতিকে অগ্রসর করবে।"

অগ্ররাজ্যের কৃষি কমিশনার রিচার্ড এ. বল বলেন, "নিউ ইয়র্ক রাজ্যের কৃষক, খাদ্য প্রসেসর এবং পানীয় নির্মাতারা জাতির সেরা কিছু খাদ্য ও পানীয় উৎপাদন করে। এই প্রতিযোগিতা আমাদের কৃষি এবং খাদ্য শিল্পের অংশীদারদের সকলের নজরে নিয়ে আসার নতুন সুযোগ প্রদান করে এবং তাদের উদ্ভাবন এবং সাফল্যের উপর ভিত্তি করে অগ্রসর হতেসাহায্য করে।"

সেন্ট্রাল নিউইয়র্ক আঞ্চলিক অর্থনৈতিক উন্নয়ন পরিষদের (Regional Economic Development Council, REDC) সহ-সভাপতিগণ, ম্যানুফ্যাকচারার্স অ্যাসোসিয়েশন অফ সেন্ট্রাল নিউ ইয়র্কের (Manufacturers Association of Central New York, MACNY) প্রেসিডেন্ট এবং সিইও র্যান্ডি ওলকেন এবং অসোয়েগোতে স্টেট ইউনিভার্সিটি অব নিউ ইয়র্কের (State University of New York) সভাপতি ডেবোরাহ স্ট্যানলি বলেন, "নিউ ইয়র্ক স্টেট কৃষি ও খাদ্য শিল্পে একটি বিশ্বব্যাপী নেতা এবং এই যুগান্তকারী, উদ্ভাবনী প্রতিযোগিতা আমাদের সম্প্রদায়ে একটি উত্তেজনাপূর্ণ বিনিয়োগের প্রতিনিধিত্ব করে যা আঞ্চলিক কর্মসংস্থান বৃদ্ধি করতে সাহায্য করবে। সেন্ট্রাল নিউ ইয়র্কে আমাদের কৃষিভিত্তি সমর্থন করার জন্য REDC কঠোর পরিশ্রম করছে, এই অঞ্চলটি বছরের পর বছর ধরে যাতে বেড়ে চলতে পারে তা নিশ্চিত করার জন্য।"

ফিঙ্গার লেকস আঞ্চলিক অর্থনৈতিক উন্নয়নের সহ-সভাপতিগণ, মনরো কমিউনিটি কলেজের (Monroe Community College) সভাপতি ডঃ অ্যান ক্রেস এবং বৃহত্তর রচেস্টার চেম্বার অব কমার্সের সভাপতি ও প্রধান নির্বাহী কর্মকর্তা বব ডাফি বলেন, "আমরা গভর্নর কুওমোর গ্রো-নিউইয়র্ক প্রতিযোগিতাকে সমর্থন করতে পেরে আনন্দিত যা এই উদ্ভাবনী উদ্যোক্তাদের সাথে স্থানীয় শিল্পের অংশীদার এবং মেন্টরদের সংযুক্ত করার জন্য কাজ করছে। বিকাশশীল আঞ্চলিক অর্থনীতিকে অগ্রগামী ও টেকসই করে ফিঙ্গার লেকসকে সামনে এগিয়ে নিতে কৃষি ও খাদ্য শিল্পই মূল চাবিকাঠি।"

সাউদার্ন টায়ার আঞ্চলিক অর্থনৈতিক পরিষদের সহ-সভাপতি, বিঙ্গহ্যাম্পটন বিশ্ববিদ্যালয়ের (Binghamton University) সভাপতি হার্ভে স্টেঙ্গার, এবং স্কাউলার কাউন্টি অর্থনৈতিক উন্নয়নের অংশীদারিহ (Schuyler County Partnership for Economic Development) এর নির্বাহী পরিচালক জুডি ম্যাককিন চেরি বলেন, "স্থানীয়ভাবে পরিকল্পিত সাউদার্ন টায়ার সোরিং আপস্টেট রিভাইটাইলাইজেশন উদ্যোগ কৃষি শিল্পকে বাড়িয়ে তোলার দিকে তীক্ষ্ণ নজর রেখেছে, এই তথ্যকে স্বীকৃতি যে এটা আমাদের অঞ্চলের অর্থনৈতিক সাফল্য অব্যাহত রাখার জন্য একটি অত্যন্ত গুরুত্বপূর্ণ অংশ। গ্রো-নিউইয়র্ক প্রতিযোগিতা এই দূরদর্শী উদ্ভাবকদের সাহায্য করবে, বছরের পর বছর ধরে আঞ্চলিক অর্থনীতিকে উদ্দীপিত করার জন্য আমাদের প্রচেষ্টাকে আরো বলিষ্ঠ করে।"

গ্রো-নিউইয়র্ক সম্পর্কে আরও জানতে দেখুন, grow-ny.com। কর্নেল সেন্টার ফর রিজিওনাল ইকোনমিক অ্যাডভ্যান্সমেন্ট (Cornell Center for Regional Economic Advancement) সম্পর্কে আরও জানতে, দেখুন <https://crea.cornell.edu>।

সেন্ট্রাল নিউইয়র্কের অগ্রগতি স্বরাস্বিতকরণ

আজকের ঘোষণা "সেন্ট্রাল নিউইয়র্কের অগ্রগতি" এর সম্পূরক, যা শক্তিশালী অর্থনৈতিক প্রবৃদ্ধি ও কমিউনিটি বিকাশের জন্য এই অঞ্চলের সমন্বিত রূপরেখা। 2012 সাল থেকে এই অঙ্গরাজ্য ইতোমধ্যেই 5.6 বিলিয়ন মার্কিন ডলারেরও বেশি বিনিয়োগ করেছে যা বিশ্ব বাজারের সুযোগ কাজে লাগিয়ে উদ্যোক্তাদের শক্তিশালী করে এবং অন্তর্ভুক্তিমূলক অর্থনীতি তৈরি করে এই পরিকল্পনার মূল ভিত্তি স্থাপন করেছে। বর্তমানে বেকারত্ব কমে মহামন্দার সময় থেকে সর্বনিম্ন পর্যায়ে নেমে এসেছে; ব্যক্তিগত এবং কর্পোরেট আয়কর নিম্ন পর্যায়ে রয়েছে এবং ব্যবসা প্রতিষ্ঠানগুলো বিকাশ এবং বিনিয়োগের জন্য গন্তব্য হিসেবে সিরাকিউজ, ওসঅয়েগো এবং অবার্নের মতো জায়গা নির্বাচন করছে।

বর্তমানে, এ অঞ্চল 2015 সালের ডিসেম্বরে গভর্নর কুওমো ঘোষিত উত্তরাঞ্চলের পুনরুজ্জীবিতকরণ উদ্যোগের মাধ্যমে 500 মিলিয়ন মার্কিন ডলারের অঙ্গরাজ্যের বিনিয়োগ সহযোগিতায় সেন্ট্রাল নিউইয়র্কের অগ্রগতি স্বরাস্বিত করছে। অঙ্গরাজ্যের এই 500 মিলিয়ন মার্কিন ডলারের বিনিয়োগ বেসরকারি খাতের ব্যবসায়ীদের 2.5 বিলিয়ন মার্কিন ডলারেরও বেশি বিনিয়োগ করার জন্য

উদ্দীপনা দেবে - এবং অঞ্চলের দাখিলকৃত পরিকল্পনা অনুযায়ী আশা করা হচ্ছে যে 5,900 এর বেশি নতুন কর্মসংস্থান সৃষ্টি হবে। আরও তথ্য পাওয়া যাবে [এখানে](#)।

ফিঙ্গার লেকস এর অগ্রগতি স্বরাশ্রিতকরণ

আজকের ঘোষণা "ফিঙ্গার লেকস এর অগ্রগতি স্বরাশ্রিতকরণ" এর সম্পূরক, যা শক্তিশালী অর্থনৈতিক প্রবৃদ্ধি ও কমিউনিটি বিকাশের জন্য এই অঞ্চলের সমন্বিত রূপরেখা। স্টেট এ অঞ্চলে 2012 সাল থেকে এই পরিকল্পনার জন্য বুনিয়াদী কাজের পিছনে ইতোমধ্যেই 6.1 বিলিয়নের বেশি মার্কিন ডলার বিনিয়োগ করেছে - ফটোনিঙ্গ, কৃষি ও খাদ্য উৎপাদন এবং আধুনিক নির্মাণ কার্যের মতো মূল শিল্প এই বিনিয়োগে অন্তর্ভুক্ত। বর্তমানে, মহামন্দার (Great Recession) পর থেকে বেকারত্ব কমে সবচেয়ে নিম্ন পর্যায়ে রয়েছে; ব্যক্তিগত ও কর্পোরেট আয়কর কমেছে এবং ব্যবসা প্রতিষ্ঠানগুলি বিকাশ ও বিনিয়োগের জন্য রোচেস্টার, বাটাভিয়া এবং কানানডাইওয়ার মতো জায়গা বেছে নিচ্ছে।

বর্তমানে, উত্তরাঞ্চলের পুনরুজ্জীবিতকরণ উদ্যোগের মাধ্যমে অঞ্চলটি 500 মিলিয়ন মার্কিন ডলারের অঙ্গরাজ্যের বিনিয়োগসহ ফিঙ্গার লেকস এর অগ্রগতি স্বরাশ্রিত করছে যা গভর্নর কুওমো ডিসেম্বর 2015-এ ঘোষণা করেন। অঙ্গরাজ্যের এই 500 মিলিয়ন মার্কিন ডলারের বিনিয়োগ বেসরকারি খাতের ব্যবসায়ীদের 2.5 বিলিয়ন মার্কিন ডলারেরও বেশি বিনিয়োগ করার জন্য উদ্দীপনা দেবে - এবং অঞ্চলের দাখিলকৃত পরিকল্পনা অনুযায়ী আশা করা হচ্ছে যে 8,200 এর বেশি নতুন কর্মসংস্থান সৃষ্টি হবে। আরও তথ্য পাওয়া যাবে [এখানে](#)।

সাউদার্ন টিয়ার এর অগ্রগতি স্বরাশ্রিতকরণ

আজকের ঘোষণা "সাউদার্ন টিয়ার এর অগ্রগতি" এর সম্পূরক, যা শক্তিশালী অর্থনৈতিক প্রবৃদ্ধি ও কমিউনিটি বিকাশের জন্য এই অঞ্চলের সমন্বিত রূপরেখা। প্রতিভাধর শ্রমশক্তি আকর্ষণ, ব্যবসার বিকাশ এবং উদ্ভাবন জোরদার করে পরিকল্পনার ভিত্তি স্থাপন করতে 2012 সাল থেকে ইতিমধ্যে অঙ্গরাজ্য এ অঞ্চলে 6.2 বিলিয়ন মার্কিন ডলারের বেশি বিনিয়োগ করেছে। বর্তমানে, মহামন্দার পর থেকে বেকারত্বের হার কমে সর্বনিম্ন পর্যায়ে রয়েছে; ব্যক্তিগত এবং কর্পোরেট আয়কর কমেছে এবং প্রতিষ্ঠানগুলো বিকাশ ও বিনিয়োগের জন্য বিংহ্যামটন, জনসন সিটি এবং কর্নিং এর মতো জায়গা নির্বাচন করেছে। বর্তমানে, এ অঞ্চল 2015 সালের ডিসেম্বরে গভর্নর কুওমো ঘোষিত উত্তরাঞ্চলের পুনরুজ্জীবিতকরণ উদ্যোগের মাধ্যমে 500 মিলিয়ন মার্কিন ডলারের অঙ্গরাজ্যের বিনিয়োগের মাধ্যমে সাউদার্ন টিয়ারের অগ্রগতি স্বরাশ্রিত করছে। অঙ্গরাজ্যের এই 500 মিলিয়ন মার্কিন ডলারের বিনিয়োগ বেসরকারি খাতের ব্যবসায়ীদের 2.5 বিলিয়ন মার্কিন ডলারেরও বেশি বিনিয়োগ করার জন্য উদ্দীপনা দেবে - এবং অঞ্চলের দাখিলকৃত পরিকল্পনা অনুযায়ী আশা করা হচ্ছে যে 10,200 এর বেশি নতুন কর্মসংস্থান সৃষ্টি হবে। আরও তথ্য পাওয়া যাবে [এখানে](#)।

অতিরিক্ত তথ্য পাওয়া যাবে এখানে www.governor.ny.gov
নিউইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418

[আনসাবস্কাইব করুন](#)